



## **Yamada habrí pa Aña pa Konmemorashon di Pasado di Sklabitut**

Paga tinu! E formulario di aplikashon lo ta online pronto.

Riba X di desèmber nos ta organisé un reunion informativo online. E reunion akí ta tokante e Yamada habrí pa Aña pa Konmemorashon di Pasado di Sklabitut. Registrá pa e reunion hasiendo uso di e formulario [aki](#).

**Bo tin un plan pa un proyekto ku di manera permanente ta kontribuí na konosementu i konsientisashon tokante pasado di sklabitut? Bo ta kreadó òf kurator den arte visual, patrimonio, industria kreativo, letra, arte teatral òf un kombinashon entre e disiplinanan akí? Kisas bo ta un biblioteka, archivo òf organisashon den e disiplinanan akiriba menshoná, anto boso tarea prinsipal ta pa organisá presentashon pa públiko? Den e caso ei kisas boso por pidi un kontribushon na e Yamada habrí pa e Aña pa Konmemorashon di Pasado di Sklabitut. Por hasi esaki na hulandes òf inglese.**

Atenshon: Si tin diferensha entre e vershonnán tradusí, e vershon na hulandes ta esun ku ta konta.

Durante e Aña pa Konmemorashon di Pasado di Sklabitut di 1 di yüli 2023 te 1 di yüli 2024 lo dediká èkstra atenshon na un parti importante i doloroso di nos historia i na kual te ku resien a duna tiki atenshon: e pasado di sklabitut. Den quadro di esaki Gobièrnu di Reino ta pone 2 mion euro disponibel pa aktividatnan i inisiativanan ku ta kontribuí na konmemorá i celebrá abolishon di sklabitut den Reino. Mondriaan Fonds i Fonds voor Cultuurparticipatie kada unu ta risibí 1 mion euro pa durante e Aña di Konmemorashon sostené aktividatnan di tantu institushonnan komo individuonan i inisiativanan chikitu lokal ku ta establesé den e parti karibense di Reino i na Hulanda.

E konvokashon di Mondriaan Fonds ta dirigí su mes riba proyektonan i aktividatnan ku ta sigui engrandesé e konosementu i e konsientisashon di e pasado di sklabitut i e efekto kontinuo di eseí te dia djawe. Por pensa riba por ehèmpel podcast, eksposishon, simposio òf publikashon.

Na e konvokashon di Fonds voor Cultuurparticipatie e enfoke ta riba aktividatnan kaminda e partisipantenan ta enbolí aktivamente. Por bishitá e website pa mas informashon.

### **Aña pa Konmemorashon**

Mondriaan Fonds i Fonds voor Cultuurparticipatie lo parti e presupuesto pa medio di 2 konvokashon habrí. A hasi e konvokashonnan den kolaborashon ku miembran di grupo di skuchadó krítiko ku ta bini di diferente komunitatnan konserní.

Diferente komunitatnan di descendientenan di esnan ku a keda hasí katibu, e hendenan indígena di e pais i esnan ku a traha bou di kontrakt ta forma parti inseparabel di e historia akí. Esakinan ta entre otro e hendenan indígena di e kolonianan di e tempu ei Sürnam i seis islana karibense, chines, havanes i hindustan trahando bou di kontrakt, i tambe por ehèmpel komunitatnan moluko, ganes i surafrikano. P'eseí e eksperensia di komunitatnan

### **Ken ta bini na remarke**

Un grupo amplio di petishonario establesé den Reino Hulandes (na Hulanda, Aruba, Boneiru, Kòrsou, Saba, Sint-Eustatius i Sint-Maarten) por hasi petishon serka Mondriaan Fonds. Ta trata di persona ku profesionalmente ta traha den disiplina di arte visual, patrimonio, industria kreativo, letra, arte teatral, òf un kombinashon entre e disiplinanan akí. [Aki](#) por haña informashon pa persona ku ke hasi petishon.

Banda di eseí archivo, biblioteka i organisashon riba tereno di arte visual, patrimonio, industria kreativo, letra, arte teatral, òf un kombinashon entre e disiplinanan akí - ku tin un funshon pa presentá i ta establesé den parti karibense di Reino i na Hulanda - por hasi petishon. [Aki](#) por haña informashon pa organisashon ku ke hasi petishon.

*Mondriaan Fonds ta ofresé un kontribushon pa tradukshon di e teksto pa esnan ku ta skirbi un otro idioma. Di e manera ei por laga tradusí e petishon na hulandes òf inglese.*

### **Kon i ki ora por hasi petishon**

Tin dos fecha limite: e promé tabata dia 16 di yanuari 2023, e di dos fecha limite ta dia 24 di aprel 2023 (17.00 CET/12.00 AST). Por entregá e petishon online pa medio di e sistema di aplikashon di Mondriaan Fonds. Mester tin un kuenta pa por hasi esaki. Si ainda bo no tin un kuenta, por pidi unu aki. Tene kuenta ku tin un térmico di tratamento di tres luna despues ku e deadline di e rueda di petishon a sera. No ta otorgá kontribushon ku forsa retroaktivo.

Tin dos tipo di petishonario denter di e Yamada habrí pa Aña pa Konmemorashon di Pasado di Sklabitut: persona i organisashon. Akibou por lesa e splikashon pa kada unu.

---

## Petishonario individual (persona)

### Pa ken

Ta trata di persona establesé na Reino Hulandes (na Hulanda, Aruba, Boneiru, Kòrsou, Saba, Sint-Eustatius i Sint-Maarten). E personanan akí profesionalmente ta traha den disciplina di arte visual, patrimonio, industria kreativo, letra, arte teatral, òf un kombinashon entre e disiplinanen akí.

### Pa kiko

Por usa e kontribushon pa proyekto i aktividat na e parti karibense di Reino i na Hulanda. Proyekto ku di manera permanente ta engrandesé konosementu i konsientisashon tokante pasado di sklabitut i su influensha den presente. Por hasi petishon pa proyekto ku ta habrí pa públiko den e aña di konmemorashon. E konmemorashon ta di promé di yüli 2023 te ku promé di yüli 2024.

Ta trata di e disiplinanen di arte visual, patrimonio, industria kreativo, letra, arte teatral, òf un kombinashon entre e disiplinanen akí. Por usa e kontribushon pa por ehèmpel:

- Presentashon ku por wòrdú bishitá pa públiko;
- Elaborashon i presentashon di trabou;
- Proyekto ku ta hasi e relashon entre lugánan históriko i áreanan, anto sklabitut visibel;
- Simposio;
- Podcast;
- Buki (pa mucha);
- Produkshon di teatro i baile;
- Aplikashon manera game òf app;
- Proyekto di investigashon relevante ku lo ta aksesibel pa públiko.

### Kuantu?

Kon haltu e kontribushon ta bira, ta wòrdú stipulá pa kada petishon individualmente. Esaki por ta te un máksimo di 95% di e gastunan variabel. Por hasi petishon pa montante for di €5.000 te ku €75.000.

E petishorario por hasi petishon pa un kolaborashon fiho pa e periodo di e trabou. Esaki por varia entre 1 te máksimo 12 luna. E montante standart ta € 2.585 pa luna. Mester splika e periodo ku ke risibí e kontribushon klaramente den e plan di trabou.

Tambe ta posibel pa, na lugá di un kolaborashon fiho, pidi un kolaborashon fleksibel. Por hasi esaki pa un periodo máksimo di 12 luna. Ta stipulá e altura a base di e plan, kon largu e proyekto ta dura i e presupuesto.

### Kon i ki ora mester hasi e petishon

Por hasi un petishon pa un kontribushon na dos manera:

1. Ta hasi e petishon por eskrito pa medio di e sistema di petishon. Ta yena e formulario di aplikashon i manda e dokumentonan rekerí. Tambe ta duna un splikashon por eskrito di e contenido di e plan di proyekto.
2. Ta hasi e petishon por eskrito pa medio di e sistema di petishon i despues ta duna un splikashon verbal di e plan. Ta duna e splikashon akí na e komishon. Ta yena e formulario di aplikashon i manda e dokumentonan rekerí. Tambe ta entregá un resumen di e plan por eskrito. E petishonario ta risibí un invitashon pa un enkuentro online ku e komishon di konseho. E enkuento akí ta dura máksimo 20 minüt. Durante e enkuento e petishonario ta splika e plan verbalmente.

Tin dos fecha limite: e promé tabata dia 16 di yanuari 2023, e di dos fecha limite ta dia 24 di aprel 2023 (17.00 CET/12.00 AST). Por entregá e petishon online pa medio di e sistema di aplikashon di Mondriaan Fonds. Mester

tin un kuenta pa por hasi esaki. Si ainda bo no tin un kuenta, por pidi unu [aki](#). Tene kuenta ku tin un térmico di tratamiento di tres luna, despues ku e deadline di e rueda di petishon a sera. No ta otorgá kontribushon ku forsa retroaktivo. Pa e motibu ei mester entregá e petishon na tempu promé ku e fecha ku ta deseá pa por kuminsá.

*Paga tinu! E formulario di aplikashon lo ta online pronto.*

*Riba X di desèmber nos ta organisa un reunion informativo online. E reunion akí ta tokante e Yamada habrá pa Aña pa Konmemorashon di Pasado di Sklabitut. Registrá pa e reunion hasiendo uso di e formulario [aki](#).*

### **Prosedura**

- Ta hasi e petishon pa medio di e sistema di petishon online. Aki por skohe entre un formulario na hulandes òf na ingles. Por entregá e petishon únikamente na un di e dos idiomanan akí. Mondriaan Fonds ta ofresé un kontribushon pa tradukshon di e teksto pa esnan ku ta skirbi un otro idioma. Por haña mas informashon tokante esaki na e [website](#).
- Riba e formulario e petishonario ta skohe di ki manera e ke hasi e petishon. Esta por eskrito (inkluyendo un deskripshon di e plan) òf di forma kombiná. Es desir ku ta duna un deskripshon kòrtiku di e plan, kombiná ku un splikashon verbal di e plan na e komishon di konseho. Esaki ta sosodé durante un reunion ku ta tuma lugá online.
- Despues ku a entregá e petishon, Mondriaan Fonds ta kontrolá wak si e petishon ta kompleto. Den caso ku e no ta kompleto un empleado di Mondriaan Fonds ta tuma kontakto ku e petishonario. Despues ku a tuma kontakto kuné, e petishonario ta haña 5 dia di trabou mas pa kompletá e petishon. Den caso ku despues di e 5 dianan akí e petishon ainda no ta kompleto, lamentablemente no por trata e petishon.
- Den caso ku e petishon ta kompleto, e petishonario ta risibí un e-mail ku konfirmashon di esaki.

Den caso di un petishon por eskrito:

- Ta evaluá e petishon i wak si e ta kumpli ku e kondishonnan formal. Si esaki ta e caso, ta presentá e petishon na e komishon. Esaki lo evaluá e petishon sigun e kriterionan stipulá.

Den caso di un petishon ku splikashon verbal di e plan:

- Na momentu ku e petishon ta kompleto ta manda un konfirmashon di esaki, despues ta manda un invitashon pa e reunion ku lo tuma lugá online.
- Durante esaki e petishonario ta presentá i splika e plan. Por hasi esaki na hulandes òf na ingles. E reunion online akí ta dura un máxsimo di 20 minüt. E komishon di konseho por hasi pregunta tokante e contenido di e plan.
- Despues di e reunion e petishonario ta risibí un resúmen kòrtiku. E petishonario tin e posibilidat pa reakshoná denter di 3 dia di trabou, despues ku a risibí e resúmen, riba esaki. Despues ta agregá e resúmen na e petishon.
- Ta evaluá e petishon i wak si e ta kumpli ku e kondishonnan formal. Si esaki ta e caso, ta presentá e petishon na e komishon. Esaki lo evaluá e petishon sigun e kriterionan stipulá.

### **E kondishonnan pa un persona**

- Den bo trabou profesional bo ta traha den un òf mas di e siguiente disiplinanan: arte visual, patrimonio, industria kreativo, letra, arte teatral. Tambe por trata di un kombinashon di esakinan.
- Pa bini na remarke pa un kontribushon, bo mester ta sustansialmente aktivo den e área, anto profesionalmente aktivo den e disciplina(nan) enkuestion na e parti karibense di Reino òf na Hulanda.
- Bo mester ta trahando pa mímino un año den bo disciplina(nan).
- Den caso ku bo no a sigui un estudio den un di e disiplinanan i bo tin ménos di 4 año ta traha den e área, ta pidi un prueba di inskripshon di Kámara di Komersio.
- No por hasi petishon pa konmemorashon i selebrashon di abolishon di skalbitut i pa projekto edukativo. Ta posibel ku e projekto ta bini na remarke pa un kontribushon di Fonds voor Cultuurparticipatie.
- No por duna kontribushon na aktividatnan ku ta òf lo wòrdú finansiá pa medio di otro areglo di Mondriaan Fonds, Fonds voor Cultuurparticipatie òf a base di e Regeling riba maneho kultural spesífiko òf un otro fasilitat finansiá ku medio público.
- Den caso ku un artista ta inbolukrá den e plannan, ta obligatorio pa tene kuenta ku un honorario realístico i mester pone esaki den e presupuesto. E petishonario ta paga e honorario sigun e guia pa honorario di artista.

[Kondishon general](#)

## Evaluashon

Empleado di Mondriaan Fonds ta kontrolá e petishon (i e aneksonan) entregá. Nan ta wak si esaki ta kompleto i si e ta kumpli ku e kondishonnan formal. Den caso ku esaki ta di akuerdo, ta presentá esaki na e komishon ku ta konsehá tokante otorgashon di e kontribushon.

Por otorgá e kontribushon pa Yamada habrí pa Aña pa Konmemorashon di Pasado di Sklabitut, únikamente na momentu ku e komishon duna un konseho positivo.

Pa motibu di e bùdjèt limitá ku tin, no semper por honra tur konseho positivo. Den un caso asina Mondriaan Fonds ta pidi e komishon di konseho pa evaluá e konsehonan positivo, anto indiká e prioridat di kada proyekto. Den e konsiderashon akí e siguiente puntonan entre e diferente tipo di proyekto ta hunga un ròl: e diversidad di proyekto, anto un distribushon regional i ekilibrá. Esaki ta nifiká ku ta posibel ku a husga un petishon di manera positivo, pero ku no opstante, e no ta risibí un kontribushon.

E komishon di koseho ta evaluá un petishon pa persona individual a base di:

- Material di dokumentashon (visual) den e último 3 añanan;
- Curriculum vitae;
- Splikashon di e trabou i práktika profeshonal;
- E plan, inkluyendo un motivashon di e contenido (totalmente por eskrito i/òf spliká parsial di manera verbal). E plan ta eksistí di un deskripshon di e proyekto, kantidat di público ku lo alkansá i plan di presentashon, anto un eventual splikashon di koperashon(nan).

E komishon ta mantené un kriteria di kalidat inklusivo. Den esaki ta tene kuenta ku e konteksto propio den kua a entregá òf ehekutá e petishon. Banda di eseí, durante e evaluashon, enfáticamente ta tene kuenta ku e plan.

E komishon di konseho ta hasi uso di e siguiente kriterionan den su evaluashon:

### Kalidat di e trabou i e grado di rekonolementu

- Kalidat di e trabou: por pensa riba e puntonan di salida i manera kon esakinan ta sali na kla den e trabou.
- E grado di rekonolementu: basá riba e eksposishonnan, publikashonnan, presentashonnan, enkargonian, supsidionan i eventual premionan.

### Kalidat di e plan

- E plan ta kontribuí na ampliamentu di konosementu i konsientisashon tokante pasado di sklabitut i efekto di esaki den presente?
- E plan ta trata e perspektiva di e komunitatnan inklui?
- E plan ta importante den konteksto regional i/òf internashonal? Por pensa riba apoyo, integrashon, koperashon ku e komunitatnan òf otro partido i organisashon sosial (kultural) relevante, otro kreador, kurator ku ta trata kuné, e sitio kaminda ehekushon lo tuma lugá, èts.

### Alkanse público

- E presentashon di e plan ta duna e konfiansa nesesario ku lo alkansá e gruponan meta?

---

## Petishon di organisashon

### **Pa ken**

Pa e archivonan, bibliotekanan i organisashonnan ku tin un funshon pa presentá riba tereno di arte visual, patrimonio, letra, industria kreativo, arte teatral òf un kombinashon entre e disiplinan akí. Ademas e organisashon mester ta establecé den Reino Hulandes (na Hulanda, Aruba, Boneiru, Kòrsou, Saba, Sint-Eustatius i Sint-Maarten).

### **Pa kiko**

Por usa e kontribushon pa proyekto i aktivitat na parti karibense di Reino i na Hulanda. Ta trata di proyekto i aktivitat ku ta engrandesé konosementu i konsientisashon tokante e pasado di sklabitut i e efekto permanente di esaki den presente. Por hasi petishon pa proyekto ku ta aksesibel pa público ku ta kuminsá den e aña di konmemorashon. Esaki ta kana di promé di yüli 2023 te ku promé di yüli 2024. Ta importante ku den e proyekto

ta enfoká riba un perspektiva di e sosiedatnan konserní. Anto tambe ku e sosiedatnan tin un posishon di liderasgo den desaroyo di e proyekto.

Ta trata di arte visual, patrimonio, industria kreativo, letra, arte teatral òf un kombinashon entre e disiplinanan akí. Por usa e kontribushon pa por ehèmpel:

- Presentashon ku por wòrdú bishitá pa público;
- Produkshon di trabou dor di esun ku a trah'é;
- Proyekto ku ta hasi e relashon entre lugánan históriko i áreanan, anto sklabitut (mas) visibel, manera kaminata òf ruta ku ta kore pasa ku baiskel;
- Simposio;
- Podcast;
- Buki (pa mucha);
- Produkshon di teatro i baile;
- Aplikashon digital manera game òf app;
- Proyekto den kua ta koperá ku otro partido(nan). Proyekto ku tin como meta pa amplia konosementu i como resultado final tin un presentashon;
- Proyekto di investigashon relevante ku lo wòrdú presentá na público.

### Kuantu?

Ta stipulá kon haltu e kontribushon lo bira pa kada petishon. Esaki por ta máksimo 95% di e gastunan variabel di e proyekto. Por hasi petishon pa un montante for di €5.000 te ku €75.000. Ta posibel pa duna un splikashon verbal di e plan den kaso ku hasi petishon di un montante te €10.000.

### Kon i ki ora ta hasi petishon

Por hasi petishon pa un kontribushon te €10.000 di dos manera:

3. Ta hasi e petishon por eskrito pa medio di e sistema di petishon. Ta yena e formulario di aplikashon i manda e dokumentonan rekerí. Tambe ta duna un splikashon por eskrito di e contenido di e plan di proyekto.
4. Ta hasi e petishon por eskrito pa medio di e sistema di petishon i despues ta duna un splikashon verbal di e plan. Komo parti di e petishon ta duna e splikashon akí na e komishon. Ta yena e formulario di aplikashon i manda e dokumentonan rekerí. Tambe ta entregá un resumen kòrtiku di e plan por eskrito. E petishonario ta risibí un invitashon pa un enkuetro online ku e komishon di konseho. E enkuetro akí lo dura máksimo 20 minüt. Durante e enkuetro e petishonario ta splika e plan verbalmente.

Por hasi petishon pa un kontribushon for di €10.000 te ku €75.000 únikamente por eskrito (sin splikashon verbal) pa medio di e sistema di aplikashon.

Tin dos fecha limite: e promé tabata dia 16 di yanuari 2023, e di dos fecha limite ta dia 24 di aprel 2023 (17.00 CET/12.00 AST). Por entregá e petishon online pa medio di e sistema di aplikashon di Mondriaan Fonds. Mester tin un kuenta pa por hasi esaki. Si ainda no tin un kuenta, por pidi unu [aki](#). Tene kuenta ku un témino di tratamiento di 3 luna, despues ku e deadline di e rueda di petishon a sera. No ta otorgá kontribushon ku forsa retroaktivo. Pa e motibu ei mester entregá e petishon na tempu promé ku e fecha ku ta deseá pa por kuminsá.

Paga tinu! E formulario di aplikashon lo ta online pronto.

Riba X di desèmber nos ta organisá un reunion informativo online. E reunion akí ta tokante e Yamada habrá pa Aña pa Konmemorashon di Pasado di Sklabitut. Registrá pa e reunion hasiendo uso di e formulario [aki](#).

### Prosedura

- Ta hasi e petishon pa medio di e sistema di petishon online. Aki por skohe entre un formulario na hulandes òf na ingles. Mondriaan Fonds ta ofresé un kontribushon pa tradukshon di e teksto pa esnan ku ta skirbi un otro idioma. Por haña mas informashon tokante esaki na e [website](#).
- Pa proyekto for di €5.000 te €10.000 e petishonario ta skohe riba e formulario di ki manera e ke hasi e petishon. Esta por eskrito òf di forma kombiná. Por eskrito ke men ku ta skirbi un deskripshon kòrtiku di e plan. Kombiná ta nifiká ku banda di e deskripshon skirbí, ta duna un splikashon verbal di e plan na e komishon di konseho. Esaki ta sosodé durante un reunion ku ta tuma lugá online.
- Despues ku a entregá e petishon, Mondriaan Fonds ta kontrolá si e petishon ta kompleto. Den kaso ku e no ta kompleto un empleado di Mondriaan Fonds ta tuma kontakto ku e petishonario. E petishonario ta haña 5 dia di trabou, despues ku a tuma kontato kuné, pa kompletá e petishon. Den kaso ku despues di e 5 dianan akí e petishon ainda no ta kompleto, lamentablemente no por trata e petishon.
- Den kaso ku e petishon ta kompleto, e petishonario ta risibí un e-mail ku konfirmashon di esaki.

Den kaso di un petishon por eskrito:

- Ta evaluá e petishon i wak si e ta kumpli ku e kondishonnan formal. Si esaki ta e kaso, ta presentá e petishon na e komishon. Esaki lo evaluá e petishon sigun e kriterionan stipulá.

Den kaso di un petishon pa proyekto for di €5.000 te €10.000 ku splikashon verbal di e plan:

- Na momentu ku e petishonario a duna di konosé – pa medio di e formulario di petishon – ku e ke splika su petishon, anto si e petishon ta kompleto, ta manda un konfirmashon. Ta konfirmá ku e petishon ta kompleto i ta manda un invitashon pa e reunion ku lo tuma lugá online.
- Ta invitá e petishonario pa e presentá i splika e plan. Por hasi esaki na hulandes òf na ingles. E reunion online akí ta dura un máksimo di 20 minüt. E komishon di konseho por hasi pregunta tokante contenido di e plan.
- Despues di e reunion e petishonario ta risibí un resúmen global. Despues ku a risibí e resúmen, e petishonario tin chèns pa reakshoná denter di 3 dia di trabou. Despues ta agregá e resúmen na e petishon.
- Ta evaluá e petishon i wak si e ta kumpli ku e kondishonnan formal. Si esaki ta e kaso, ta presentá e petishon na e komishon. Esaki lo evaluá e petishon sigun e kriterionan stipulá.

### Kondishon pa organisashon

- Un organisashon riba tereno di arte visual, patrimonio, industria kreativo, letra, arte teatral òf un kombinashon di esakinan i ku ta establecé na e parti karibense di Reino i na Hulanda por hasi petishon.
- Un organisashon - sin fin lukro como meta prinsipal - ku ta desaroyá presentashon ku ta aksesibel pa públiko i/òf programa di aktividad como aktividad primordial. Banda di esaki archivo i bliblioteka tambe por hasi petishon.
- Un instansha den enseñansa òf post-akadémiko no por hasi petishon.
- No por hasi petishon pa konmemorashon i selebrashon di abolition di sklabitut, ni pa proyekto edukashonal, renobashon/konstrukshon òf lantamentu di museo, restorashon, kobamentu arkeológiko, kompra di opheto òf parti di kolekshon, pa gastu fiho i di eksplotashon. Por hasi petishon únikamente pa gastunam variabel di proyekto.
- No por duna kontribushon na aktividad ku ta òf lo wòrdú finansiá pa medio di otro areglo di Mondriaan Fonds, Fonds voor Cultuurparticipatie òf a base di e Regeling riba maneho kultural spesífiko òf un otro fasilitat finansiá ku medio público.
- Den kaso ku un artista ta inbolukrá den e plannan, ta obligatorio pa tene kuenta ku un honorario realístiko i mester pone esaki den e presupuesto. E petishonario ta paga e honorario sigun e guia pa honorario di artista.
- E instituto kultural ta respaldá [Fair Practice Code](#), [Governance Code Cultuur](#) i [Code Diversiteit & Inclusie](#).

### Kondishon general

#### Evaluashon

Empleadonan di Mondriaan Fonds ta kontrolá e petishon (i e aneksonan) entregá. Nan ta wak si esaki ta kompleto i si e ta kumpli ku e kondishonnan formal. Den kaso ku esaki ta di acuerdo, ta presentá esaki na e komishon ku ta konsehá tokante otorgashon di e kontribushon.

Por otorgá e kontribushon pa Yamada habrí pa Aña pa Konmemorashon di Pasado di Sklabitut, únikamente na momentu ku e komishon duna un konseho positivo.

Pa motibu di e bùdjèt limitá ku tin, no semper por honra tur konseho positivo. Den un kaso asina Mondriaan Fonds ta pidi e komishon di konseho pa evaluá e konsehonan positivo unu ku otro, anto indiká e prioridad di kada proyekto. Den e konsiderashon akí e siguiente puntonan entre e diferente tipo di proyekto ta hunga un ròl: e diversitat di proyekto. Anto un distribushon regional i ekilibrá. Esaki ta nifiká ku ta posibel ku a husga un petishon di manera positivo, pero ku no opstante e no ta risibí un kontribushon.

E komishon di koseho ta evaluá un petishon di un organisashon a base di:

- Un deskripshon real di e organisashon, inkluyendo un lista di e aktividatnan den e último 3 añanan. Si ta alkaso mester duna un splikashon tokante e aktividatnan relashoná ku e tema akí den pasado;
- E plan, inkluyendo un motivashon di e contenido (totalmente por eskrito i/òf spliká parsial di manera verbal). E plan ta eksistí di un deskripshon di e proyekto, kantidat di público ku lo alkansá i plan di presentashon, anto (si ta alkaso) un eventual splikashon di koperashon ku otro partido.
- Un presupuesto spesifiká ku plan di kobertura.

E komishon ta mantené un kriteria di kalidat inklusivo. Den esaki ta tene kuenta ku e konteksto propio den kua a entregá òf ehekutá e petishon. Durante e evaluashon enfáticamente ta tene kuenta ku e plan.

E komishon di konseho ta hasi uso di e siguiente kriterionan den su evaluashon:

Kalidat di e organisashon

- E kalidat i reputashon di e petishonario ta di importansia?
- E organisashon tin un mishon i vishon bon kla?
- E aktividadnan den pasado ta duna konfiansa ku e plan lo tin e efekto ku ta aspirá?

Kalidat di e plan

- E plan ta kontribú na ampliamentu di konosementu i konsentisashon tokante e pasado di sklabitut i su efekto den presente?
- E proyekto tin un efekto duradero pa loke ta trata ampliamentu di konosementu i konsentisashon tokante e tema akí? Por ehèmpel dor di inklui e tema den e programashon regular?
- E plan ta trata e perspektiva di komunitat inklui? For di e plan ta sali na kla ku e komunitatnan tin un posishon lider den desaroyo di e proyekto?

Alkanse públiko

- E presentashon di e plan ta duna e konfiansa nesesario ku lo alkansá e gruponan meta?

E konteksto artístico i kultural di e plan

- E plan ta importante den e konteksto regional i/òf (inter)nashonal? Pensa den esaki riba aseptabilitat, kon bon e ta pas, koperashon ku e sosiedatnan òf otro partido (kultural) relevante, anto organisashonnan sosial, kreadornan, kuratornan ku ta partisipá, kaminda e ta tuma lugá èts.